

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

Irailaren 26ko 248/2019 Foru Agindua, zeinak hasierako onespena ematen baitio Olano herriko 465 lurzatian, 2 poligonoan, Zigoitiako udalerriko lurzoru urbanizaezinean, telefono mugikorreko estaziogune bat eraikitzeke interes publikoaren adierazpenaren gaineko espedienteari. Instalazioaren sustatzailea Telefónica Móviles España SA da

Telefónica Móviles España SAK Zigoitiko Udalari obra eta jarduera baimena eskatu dio telefonia mugikorreko estaziogune bat jartzeko, eta hura egiteko 15 metro luzeko metalezko dorre bakartu bat jarriko du eta 4 metroko tximistorratza, eta armairu bat erantsiko dio, eta dena itxitura perimetralez inguratu, Olanoko 2 poligonoko 465 lurzatian. Erabilera berrirako 20 m²-ko azalera egokitu beharko da, eta proiektuan jaso da Olanotik hurbil dagoen lurzoru urbanizaezinean lurpean linea bat instalatzea hartune elektrikorako.

Zigoitiko Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean dago proiektu tekniko ikus-onetsia, telefonia mugikorreko estaziogune bat jartzeari buruzkoa (0100517 Olano COC: 201806002591), baita udal arkitektoak eginiko txostena ere, zeinetan adierazten baita lurzatia lurzoru urbanizaezinean dagoela, 4 zonan (itxuraberritu beharreko basogintzako babes zona), udalerrian indarrean dauden arau subsidiarioen arabera.

Proiektuaren deskripzio memorian adierazten da, halaber, PEBA edo Banda Zabala Hedatzeko Programaren barruan dagoela, eta haren helburua dela azkarragotzea gaur egun estaldurarik ez duten eta aurreikus daitekeenez hurrengo urteetan ere izango ez duten eremuei abiadura handiko eta oso handiko banda zabaleko zerbitzuak emateko gauza diren komunikazio elektronikoko sareen estalduraren hedatzea. Gobernu Kontseiluaren martxoaren 22ko 143/2016 Erabakiaren bidez, onetsi zen AFAREN 2015-2019 legegintzaldirako Plan Estrategikoa. Haren barruan, lerro estrategiko hau zehazten da: "7.4.2 Araba Konektada programa abian jartzea. Guztientzako estaldura Arabako landa ingurunean".

ONARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera, eta Sail honen egitura organikoa eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuak 18.c) artikuluan xedatutakoaren arabera.

Bat etorri lurzoruari eta hirigintzari buruzko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogeitun egunez jendaurrean edukitzeko izapidea bete ondoren".

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, dagozkidan ahalmenak erabiliz, honako hau

XEDATZEN DUT

Lehenengoa. Hasierako onespina ematea Olano herriko 465 lurzatian, 2 poligonoan, Zigoitiako udalerriko lurzoru urbanizaezinean, telefono mugikorreko estaziogune bat eraikitzeke interes publikoaren adierazpenaren gaineko espedienteari. Instalazioaren sustatzailea Telefónica Móviles España SA da.

Bigarrena. Espedientea jendaurrean jartzea, hogei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamendu eta Hirigintza Zerbitzuan azter dezakete espedientea.

Gasteiz, 2019ko irailaren 26a

Ingurumen eta Hirigintza Saileko foru diputatua
JOSEAN GALERA CARRILLO